

大毘婆沙論

才一百五十

三百八十六  
靜十

50542



阿毗達磨大毗婆沙論卷第二百五十

五百大阿羅漢等造 三藏法師 玄奘奉 詔譯

根蘊第六中觸納息第三之二

問若天眼現在前時生得眼為斷不若斷者云何不異熟生色斷已復續以阿毗達磨者不欲令異熟生色斷已續故若不斷者天眼生得眼二俱見色云何不錯亂耶答應言不斷以異熟色斷已不續故是故尊者妙音作如是問天眼現在前時生得眼當言斷耶不斷耶答當言不斷即於是處有色界大種與所造天眼俱現在前問若介者天眼生得眼二俱見色云何不錯亂耶答天眼起時生得



眼住彼同分故無有過譬如餘識現在前時  
雖不見色而眼不斷此亦如是問何故不俱  
見耶荅以一身中無二識俱起亦時識依天  
眼不依生得眼故有說有色非是生得眼境  
爲見彼故起天眼現前故於亦時生得眼雖  
不斷而無用是故不俱見有說天眼起時生  
得眼斷問若亦云何不異熟生色斷已可續  
耶如是則違阿毗達磨者說荅斷有二種一  
暫斷二究竟斷暫斷者可續非究竟斷是故  
無過有說亦時生得眼滅天眼生天眼滅生  
得眼生彼身中眼根未嘗空故不可謂斷有  
說彼時生得眼斷亦無有過亦有異熟生色

斷已續故云何如然如契經說一切施王即  
時舉手自挑兩目施婆羅門由勝思願今眼  
平復又如經說惡行亦時以竭地羅鈎挑善  
行眼亦由菩薩勝思願故還得眼根施設論  
說地獄有山墜迤有情令身碎壞於後未久  
諸根復生諸地獄中此類非一故知異熟生  
色斷已可續如是說者起天眼時生得眼不  
滅異熟色斷亦無續義問前所引事當云何  
通答彼不相違有別義故即如所說一切施  
王亦時但由施心成滿故作是說實未挑眼  
其事云何謂佛昔日為菩薩時曾作國王名  
一切施能滿一切來求者意天上人中此名

流布時天帝釋知已念言彼王如斯惠施無  
倦爲求無上正等菩提爲希世間名譽天位  
若希天位或爲我怨當往驗之知其施意便  
自化作婆羅門身戴帽垂鬢金鞞絡體手策  
金杖來詣王前呪願王言願常尊勝王言梵  
志來何所求荅言我來正須王眼王以四寶  
爲眼施之彼不受言我今須眼何用此爲王  
聞是已便舉兩手欲自挑目帝釋知王施心  
決定便止王言欲何所求能施難施爲求釋  
梵魔王位耶爲希世間名譽歸敬王言此等  
皆非所求惟有離於生老病死應正等覺是  
我所願天帝聞已便復本形讚歎王言真是

菩薩不久定得無上菩提作是言已忽然不  
現故彼亦時實未挑眼又彼所引善惡行經  
善行眼根有餘種子由勝思願圓滿勝前諸  
地獄中亦同此釋若無餘種則不可生故異  
熟色斷無續理由此天眼現在前時生得眼  
不斷

問如生欲界所起天眼生色界亦起不有說  
不起以色界中隨生得眼所見多少修得眼  
亦亦無別作用是故不起如是說者亦起現  
前問與生得眼同起復何用答欲遊戲通慧  
故起現前又中有身非生得眼境故起天眼  
觀中有差別問為生欲界所起天眼勝為生

色界所起勝耶。答欲界所起猛利故勝。謂佛  
獨覺到究竟聲聞所起天眼作用猛利非生  
色界所能現前。色界所起所依故勝。謂彼依  
身廣大勝妙所起天眼多極微成。非欲界中  
此眼得起。故二界起各有勝劣。

問修得天眼與生得眼有何差別。答名即差  
別。謂名天眼名生得眼。有說體亦有異。謂生  
得眼有同分。彼同分修得天眼。惟是同分又  
生得眼通所長養及異熟生。修得天眼。惟所  
長養有說。因亦有異。謂生得眼是業果。修得  
天眼是修果。問豈不生得眼亦是修果耶。答  
彼少分是修果。少分是生得智異熟果。天眼

惟修果有說天眼由加行作意力方得現前  
生得眼不尔有說果亦有異謂生得眼與善  
深無記識爲所依修得天眼惟與無記識爲  
所依有說境亦有異謂生得眼不見中有修  
得天眼能見中有有說用亦有異謂修得天  
眼於生得眼作用熾盛微妙殊勝清淨明白  
捷利遠細故有差別

問一念得起幾通果耶答諸有欲今無留化  
事天眼天耳無彼同分者彼說一念惟起一  
通果謂五通隨一諸有欲今有留化事天眼  
天耳無彼同分者彼說一念得起二通果謂  
神境通果及餘四隨一諸有欲今有留化事

天眼天耳有彼同分彼說一念得起四通果  
謂神境通果天眼天耳及餘二隨一謂他心  
通宿住隨念通境界各別不俱起故如是說  
者應知第二所說爲善以化事可留天眼天  
耳必無彼同分要於用時乃現前故  
問欲界所化色有四種謂初靜慮果乃至第  
四靜慮果依初靜慮所得天眼爲能具見四  
種色耶有說具見皆是欲界色處攝故有說  
惟見初靜慮果非餘以因勝故如因非境界  
亦應亦依第二靜慮所得天眼能見初二靜  
慮果色非餘依第三靜慮所得天眼能見前  
三靜慮果色非餘依第四靜慮所得天眼具

能見四靜慮果色如是說者謂初說依初靜  
慮所得天眼能見欲界初靜慮色乃至依第  
四靜慮所得天眼能見欲界四靜慮色問依  
第四靜慮所得天眼能見欲界四靜慮色者  
爲見欲界色眼即見餘地色爲更起餘眼見  
餘地色耶若見欲界色眼即見餘地色者如  
何一眼能見麤細二境若更起餘眼見餘地  
色者即第四靜慮天眼應有五類各惟見一  
地色即不應言此地天眼五地爲境有作是  
說即見欲界色眼能見餘地諸色問如何一  
眼能見麤細二境答此亦無過如看大山即  
麤細色俱時能見見麤色者如見千枝大樹

見細色者如見中間細草如是第四靜慮一  
眼能見五地諸色何過有餘師言見欲界色  
眼異乃至見第四靜慮色眼異問若尔第四  
靜慮天眼應有五類各惟見一地色即不應  
言此地天眼五地爲境答一地天眼有五類  
別亦無有過約地種類揔說一眼見五地境  
非不於中所見各異如定蘊說依初靜慮所  
引天眼極能見何繫色答乃至梵世繫依第  
二靜慮所引天眼極能見何繫色答乃至極  
光淨繫依第三靜慮所引天眼極能見何繫  
色答乃至徧淨繫依第四靜慮所引天眼極  
能見何繫色答乃至廣果繫問傍極見幾何

有說如見上有說傍見則寬如是說者彼文  
且說見上分齊不說傍境然隨根勢力傍見  
不定有遠有近如餘處說

施設論說如四大王衆天以智以見領解於  
人人於四大王衆天不能如是除有修有神  
通或他威力乃至他化自在天對人亦亦謂  
四大王衆天等亦是人眼境界同一繫故然  
以極遠不能見之若得神通自能往見或他  
力引至彼能觀問若彼天來此能見不答見  
若亦彼中何故不說答境界少故不說復次  
此即攝在他力引中故不別說又彼論說如  
梵衆天以智以見領解於人人於梵衆天不

能如是除有修有神通或他威力乃至色究竟天對人亦亦問彼論所說除有修言是事可亦去何得說除有神通或他威力所以者何雖有神通或他力引得至彼天若無天眼不能見故若有天眼雖不至彼亦能見故答彼但應說除有修言而復有餘言者有別意趣謂依他方梵天等說他方梵天等色亦是此方依初靜慮等所引天眼境界然以極遠雖得彼眼不能見之若自有神通或他力所引至彼乃能以天眼見除有修言顯得天眼說後二句顯至彼因故彼所說有別意趣彼施設論復作是說初靜慮中有三天處謂

梵衆梵輔及大梵天問如是三天手相見不  
答彼手相見問契經所說當云何通如說梵  
王有得自體如童子像非梵衆天眼之境界  
答是彼眼境而大梵王通力所遮令彼不見  
第二靜慮有三天處謂少光無量光極光淨  
問如是三天手相見不答彼手相見第三靜  
慮有三天處謂少淨無量淨徧淨問如是三  
天手相見不答彼手相見第四靜慮有八天  
處謂無雲福生廣果無煩無熱善現善見色  
究竟問如是八天手相見不答彼手相見皆  
以同一繫故  
法蘊論說於眼周圍有時有分色界大種所

造天眼清淨現前由此天眼能見前後左右  
下上諸色差別見前後左右諸色者非石壁  
等所障故見下諸色者非地水等所障故見  
上諸色者非雲霧等所障故問如是天眼能  
於一時頓見十方諸色境不有說能見以天  
眼根光明清徹自然徧照如末尼寶徧發光  
明有說不能一時頓見問法蘊所說當云何  
通答彼說天眼諸方無障非謂彼能一時頓  
見謂人等眼但能覩見面所向色欲見餘方  
要須迴轉俯仰方見天眼不介面向一方隨  
欲能見不須迴轉故說能見上下諸方非謂  
十方一時而見

有作是說意淨故見問意淨是信即心所法  
與心相應此非見體云何能見荅彼依意根  
無有擾濁密意而說謂若意根不餘馳散離  
諸擾濁能令眼根見色分明故作是說有作  
是說勝解故見問所說勝解是心所法與心  
相應此非見體云何能見荅依瑜伽師意樂  
安立故作是說謂瑜伽師起此意樂令我一  
念見十方色然能見色非即勝解又施設論  
作如是說諸有現入青徧處定從彼定起所  
見皆青又由多時住青林中後出餘處所見  
皆青依此故言勝解故見有作是說即人眼  
根轉爲天眼能無障見此是數論外道所立

彼作是說所起天眼即是人眼數習轉變明  
淨勝前立以天稱如中印度青林中行或經  
旬乃出數習所變舉目皆青修天眼時亦復  
如是若尔盲者應不能修此天眼通便與聖  
教及現見事皆悉相違又法無常云何轉變  
一切天眼皆名無對石壁等物不能礙故問  
一切天眼於所見色爲有礙不若有礙者何  
故說無對若無礙者如何任彼色荅於所見  
色應說有礙問若尔何故名無對耶荅對有  
二種一境界有對二障礙有對若依境界有  
對天眼名有對於自境界不能起故若依障  
礙有對天眼名無對石壁等障不能礙故此

約於境作用而說若約自體亦是障礙有對  
所攝極微性故又諸天眼於境界中諸瑜伽  
師隨欲自在於所欲見則有對礙所不欲見  
則無對礙

一切天眼光明增上光明所引問天眼欲見  
闇中色時云何能見有作是說此由神通引  
起光明能見彼色此不應理不得神通便應  
不能修起天眼如是說者初引通時若離光  
明不能見色若通成滿設離光明亦能見色  
問神通天眼俱有光明有何差別答神通光  
明或自性有或變化有天眼光明惟自性有  
有作是說天眼光明或自性有或變化有神

通光明惟變化有

諸素怛纜毗柰耶中皆說菩薩成就異熟生  
天眼晝夜能見面各踰繕那問菩薩所成異  
熟生眼實非天眼何故立此名答菩薩眼根  
體用殊勝如世勝事假立天名問諸餘有情  
亦能遠見山日月等菩薩但見面各踰繕那  
云何名勝答如彼所見菩薩亦能面各踰繕  
那約無障說謂無障處諸餘有情雖能遠見  
若有障處自掌中物亦不能見菩薩不介面  
各踰繕那障無障處悉能徹視又餘有情雖  
能遠見惟塵非細菩薩不介面各踰繕那乃  
至毛端亦能見故又餘有情雖能遠見惟晝

非夜菩薩不尔面各踰繕那晝夜俱見有說  
於餘有情所見遠近菩薩過彼一踰繕那故  
作是說問菩薩成就如是淨眼應見女身不  
淨充滿何緣故有染習事耶脅尊者言菩薩  
煩惱未斷未徧知是故猶為無明所迷不應  
責問如不應責無明者愚盲者墮坑有說菩  
薩染習彼時不觀不淨觀不淨時不染習彼  
有說菩薩先世曾種勝受用業於所受用不  
見不淨所不受用便見不淨如是說者菩薩  
成就猛利智慧善觀功德過失差別諸女人  
身亦容具有功德過失菩薩觀察彼功德時  
勝於一切耽著欲者若當觀察彼過失時勝

於一切不淨觀者觀彼功德故有染習  
問轉輪王眼齊何能見荅王四洲者面各能  
見四俱盧舍乃至王一洲者面各能見一俱  
盧舍問主藏臣眼齊何能見荅四洲王臣見  
三俱盧舍乃至一洲王臣見半俱盧舍如契  
經說輪王有時欲試藏臣威力所及乘船遊  
戲苑伽河中勅藏臣言吾今須寶藏臣敬諾  
請還辦之王不悅曰正介須辦藏臣惶恐即  
以兩手托攬水中應時捧出種種珍寶持以  
獻王復白王言須者可取其不須者還弃水  
中問輪王眼根勝主藏者何不自取令臣取  
耶荅諸尊勝人法應如是如餘尊者雖有自知

飲食衣服資具所在而不自取此亦如是有  
餘師說諸轉輪王餘生積集感侍臣業彼業  
今熟諸有所須皆有侍臣令其供辦若王自  
取業即唐捐問因論生論何等名爲諸轉輪  
王感侍臣業荅父母師長如法教誨敬順無  
違是爲此業若先曾習如是業者感多侍人  
所欲皆辦問曾聞苑伽河水有處深一踰繕  
那如何藏臣手及其底取諸珍寶荅以輪王  
業增上力故令寶上昇有說藥叉健達縛等  
持來授與有說恒有十千天神隨主藏臣而  
爲給使彼持授與問藏臣何故啓白王言餘  
所不須當還棄水荅顯王業果不思議故諸

有所須隨處可得不同餘類恐身命緣當有  
闕乏長時積聚

問聲聞獨覺及佛天眼能見幾世界色荅聲  
聞天眼不作加行見小千界若作加行見中  
千界獨覺天眼不作加行見中千界若作加  
行見大千界世尊天眼不作加行見大千界  
若作加行能見無量無邊世界如天眼通天  
耳通等亦尔

地獄成就幾根乃至廣說問何故此中但說  
成就極多少位非餘位耶荅彼作論者意欲  
尔故乃至廣說有說欲除文雜亂過謂若具  
說一切位者便於文雜亂難可受持故依多

少邊際而說地獄成就幾根傍生乃至諸無  
色隨信行乃至俱解脫成就幾根荅地獄極  
多十九極少八十九者謂除三無漏根即是  
具七色根不斷善者八者謂身命意及五受  
根即失六色根已斷善者傍生極多十九極  
少十三十九者謂除三無漏根即具七色根  
者十三者謂身命意五受信等五根即漸命  
終先捨六色根者如說傍生鬼界亦亦斷善  
根者極多十三極少八十三者謂除一形及  
信等五三無漏根八者謂身命意及五受根  
即漸命終及在地獄已失六色根者邪定聚  
極多十九極少八十九者如地獄極多說八

者如斷善極少說除在地獄失六色根正定  
聚極多十九極少十一十九者謂除一形及  
二無漏根即未離欲染不缺根聖者十一者  
謂命意三受信等五一無漏根即生無色界  
聖者不定聚極多十九極少八十九者如邪  
定極多說八者如斷善極少說及生無色界  
異生成就命意捨信等五根贍部洲極多十  
九極少八十九者謂二形者除三無漏根及  
未離欲聖者除一形二無漏根八者謂身命  
意五受根即斷善者漸命終位如贍部洲毗  
提訶洲瞿陀尼洲亦尔俱盧洲極多十八極  
少十三十八者謂除一形三無漏根十三者

謂身命意五受信等五根即漸命終位彼洲  
無有扇捥半擇迦無形二形斷善根邪定正  
定及離染者四大王衆天極多十九極少十  
七十九者謂除一形二無漏根即未離欲染  
聖者十七者謂除一形憂根三無漏根即已  
離欲染異生如四大天王衆天三十三天乃至  
他化自在天亦亦梵衆天極多十六極少十  
五十六者除二形二受二無漏根即彼聖者  
十五者除二形二受三無漏根即彼異生如  
梵衆天極光淨天亦亦徧淨天極多十六極  
少十四十六者如前說十四者除二形三受  
三無漏根即彼異生廣果天極多十六極少

十三十六者如前說十三者除二形四受三  
無漏根即彼異生中有極多十九極少十三  
十九者謂二形者除三無漏根及未離欲染  
聖者除一形二無漏根十三者謂斷善者除  
一形信等五三無漏根及廣果異生除二形  
四受三無漏根諸無色極多十一極少八十  
一者命意三受信等五一無漏根即彼聖者  
八者命意捨信等五根即彼異生隨信行極  
多十九極少十三十九者除一形二無漏根  
即未離欲染住見道者十三者身命意四受  
信等五一無漏根即已離欲染漸命終位入  
見道者

問何故此位能入見道答是愛行者一期生  
中恒厭生死臨命終時苦受所觸獸心轉增  
能入見道如隨信行隨法行亦尔信勝解極  
多十九極少十一十九者除一形二無漏根  
即未離欲染信勝解十一者命意三受信等  
五一無漏根即無色界信勝解如信勝解見  
至亦尔身證極多十八極少十一十八者除  
一形憂根二無漏根即欲界身證十一者如  
信勝解極少說如身證慧解脫俱解脫亦尔  
然身證成就已知知根二解脫成就具知根眼  
根乃至慧根得徧知時幾根得徧知耶答眼  
根得徧知時至離色染五根得徧知此中徧

知是彼愛斷徧知果故得徧知名五根者眼  
耳鼻舌身離色染時彼永斷故雖於此位斷  
十三根惟此五根得究竟斷如眼根耳鼻舌  
身根亦尔女根得徧知時至離欲染四根得  
徧知謂男女憂苦雖於此位斷十九根惟此  
四根得究竟斷如女根男根苦根憂根亦尔  
命根得徧知時至離無色染八根得徧知謂  
命意捨信等五根如命根意捨信等五根亦  
尔樂根得徧知時至離徧淨染即樂根得徧  
知喜根得徧知時至離極光淨染即喜根得  
徧知  
眼根乃至慧根滅作證時幾根滅作證耶荅

眼根滅作證時至離色染五根滅作證至阿  
羅漢十九根滅作證五根者眼耳鼻舌身十  
九者除三無漏根如眼根耳鼻舌身根亦亦  
女根滅作證時至離欲染四根滅作證至阿  
羅漢十九根滅作證四者男女憂苦十九者  
如前說如女根男苦憂根亦亦命根滅作證  
時至阿羅漢十九根滅作證如前說如命根  
意捨信等五根亦亦樂根滅作證時至離徧  
淨染即樂根滅作證至阿羅漢十九根滅作  
證如前說喜根滅作證時至離極光淨染即  
喜根滅作證至阿羅漢十九根滅作證如前  
說問此二門何差別答諸有欲令無間道斷

繫得解脫道證離繫得者彼說如無間道作  
用徧知門亦尔如解脫道作用作證門亦尔  
諸有欲令無間道斷繫得亦證離繫得者彼  
說如斷繫得徧知門亦尔如證離繫得作證  
門亦尔如斷繫得證離繫得除過失修功德  
棄下劣證美妙捨無義得有義盡愛膏油受  
無熱樂應知亦尔有說如斷未證初門亦尔  
如證未證後門亦尔有說如初作證初門亦  
尔如重作證後門亦尔有說如斷時作證初  
門亦尔如斷已作證後門亦尔是謂徧知作  
證差別

說一切有部發智大毗婆沙論卷第一百五十

靜

挑挑彫二同上上竭地羅謁上去堅上音押下音

鬚頌韜絡正上捷利葉上素恒纜達中下丁

此下郎淡反經王四上去苑伽河譯上其陵反也耗

攪上呼同高反亦唐捐下音



